

先德餘香

後學南條文雄集記

書後

雲華院大舍講師

山陽父子餘方外故人也、山陽曾寓平安、隨處僦居、後家三樹、余亦住六條、往來周旋、書札絡繹、概無虛日、相遇之厚、骨肉不加、每年值其父忌辰、要赴招請、麥飯芋羹是爲例事、今也已矣、對此稿本、殊覺綱然、若跋語藤城已云々、不待余言、但藏主雲蟾師事藤城、々々之學淵源山陽、則師々之蹟、此稿本最可珍重、況塗鴉改字之際、復足見詩教之一遇也、雲蟾其着眼之、

丙申九月、山陽忌日前 雲華六十四翁舍

(内申ハ天保七年ナリ、山陽ハ天保三年壬辰九月廿三日ニ、五十三歳ニシテ歿セリ。落款
ニ雲華ノ二字印ヲ押シ、其側ラニ記シテ曰ク、此印山陽刻而所贈三顆之一。)

附錄一、京寓遺先君子忌辰頼襄、字子成、號山陽

容裡忌辰閱十年（一作容裏逢辰最（一作每）慘然）。難下將麥飯一奠先阡。一盂澆向天涯土。魂魄得依兒子邊。

又

談舊（一作道故）知君識我翁。芋羹麥飯薄相同。十年（一作半生）不肖何顏面。獨有儒

酸傳舊風。

賴襄

招雲華櫻園二公同飯

襄迂

書後

先師山陽翁京寓遭先君子忌辰詩、雲蟾上人得之含公許、而徵余一言、且謂而曰、此爲草稿、不必押印、其押印者、出傍人所偷押也、是可厭也、余曰不然、凡大家墨蹟、雖隻字片語、亦貴重當世、及其蓄藏日久、恐賡造亂真、苟有押印足以證其真蹟、則終不如下有押印之逾上、而況此橐所用迂某二字、是係翁之先人春水先生所刻者乎、此詩而有此印、亦非無謂、嗚乎詩之與印之吾見其可敬也、豈特不可厭也而已耶、

天保七年丙申徂暑月

後學村瀨聚題

藤城

（鴻雪處記ノ一文ハ山陽遺稿六ノ十三右以下ニ出ヅ、鴻雪處トハ雲華師ノ寓居ノ扁額ノ文

字ナリ。)

(耶馬州溪圖卷記ノ一文ハ同遺稿七ノ二右以下ニ出ヅ。)

附錄一、以下ノ詩二首ト文一篇トハ山陽詩鈔ニモ遺稿ニモ出デザル所ナリ。

無題 賴襄

蹶峽顛江誰抗衡。

旌旗向處不留行。

誰知右府三軍力。

難拔南無六字城。

(此ノ詩ノ山陽自筆ノ幅ハ我ガ大谷派本願寺ニ在リ)

鳴有亭宴、別雲華上人、分得家字、漫作長句奉贈、

山點霜樹夕陽斜。

下有寒水走白蛇。

酒力不怕風吹面。

面帶紅纓笑啞々。

半歲在京嘗國。

孰是他鄉孰是家。

高僧心地無住著。

顧戀底事却悲嗟。

此景此侶惜暫別。

許飲不辭及暮鴉。

風雪蕭々豐海路。

愁君渡杯路轉賒。

明春有閨花應晚。

理錫不慮佳期差。

雖觴沈々酌未盡。

前岸人語月在沙。

笑指山影微凹處。

約君去看番頭花。

不如歸亭記

越前丹山師名其室曰「不如歸之亭」、以其寺多杜鵑也、師以校經數往來京畿、因見余請文以記之、餘聞師之所住淨勝寺在州之丹生郡、羣山綿亘南北、其最高而近者蓋古所謂丹生山、師所以自號也、寺踞山西麓、一水帶之、山水之間皆古樹老槐、環抱擁壓於此亭、萬綠相映、蓊鬱深邃、每春夏之交、則不如歸之聲相答軒窓間、師取而名之、其所感乎、然此聲也、警驅旅之人促其歸鄉也、師生此鄉、住此寺、佛龕經庫百年不遷、雖促之歸、亦將何歸哉、且釋之爲說、幻假四大、無東西、無南北、何爲客、何爲歸、則聞不如歸之聲、其心未嘗有所感也、而以名亭何歟、吾聞比丘之求其道也、一鉢一錫、經涉江湖、跋履雲水、至鞍穿足繭、無所底止、而問所謂一語者、或未之得焉、噫是豈如歸而求之於已哉、丹山師蓋知之矣、吾想師之坐此亭、於雲暗月淡之夜、鐘歇漏盡、燈殘香銷、一念不起、萬緣皆空、當是之時也、向之所經涉跋履而不得者、忽現於前、可觀而不可捉、可知而不可言、仰而聞不如歸之聲、其將言曰、信乎不如歸也、不如歸之名於亭、其以此歟、是爲記、

文化十二年、歲在乙亥、秋八月念五日、山陽外史賴襄撰并書、

(此ノ文ノ山陽自筆ノ幅ハ、越前丹生郡糸生村淨勝寺ニ在リ、余曾テ寺ニ宿シテ之ヲ見ル、

關防ノ印ニハ、論ノ事學ノ賈、記ノ事學ノ馬ノ八字ヲ刻セリ蓋シ賈誼ト司馬遷トヲ指スナルベシ、又落款ニハ、賴襄之印ト賴氏子成ト山陽外史トノ三顆ヲ押セリ。)



深勵大講主(香月院講師)回駕於後越三條、披講於三條別院、緇素雲屯、貴賤草靡、實邊域一盛事也、時食道權脚疾災、不能移歩、慨歎未歇、于斯大講主爲拜宗祖舊趾、枉顧弊坊、幸得接芝眉、依賦大鵬一篇、以叙歡情奉呈。

香樹院德龍講師

大鵬々々來自北。

既徙南溟振南極。

高天九萬八千里。

崔嵬尙有垂天翼。

噴氣六合生風雲。

灑毛乾坤日月黑。

一鼓一舞飛烟沙。

上摩蒼々不可測。

猛勢所射誰得隨。

一時移怒來越國。

長鯨爲之驚起海。

猛獸爲之懼矢色。

藩籬斥鶴止其嘲。

蓬萊黃鸝唱其德。

群鳥群呼共相迎。

鵬多朋從以朋名。

齊階之志何足怪。

天地之大各守生。

師是釋門大鵬鳥。

法翼搏處山海傾。

振法雷兮擊法鼓。

法聲爲使衆萌驚。

鵬乎大鵬歸去來。

一洗群迷信水清。

千曲江邊舟下影。

巨額峰畔雁歸聲。

三千大千世界裏。

春去秋來自有清。

遊聞光寺（々在越後柏崎）

塵外香刹罕得窺。

良緣此日耐相怡。

法雲朝拂旃檀樹。

心月夕澄功德池。

堂對青山催興逸。

門垂碧柳入看奇。

悠然唯愛風烟美。

石上揮毫漫賦詩。

尋光圓寺（同前）

欲尋蕭寺步林中。

花氣偏薰仙梵宮。

八谷山頭春色綠。

五倫峰畔晚雲紅。

海龍聽法到禪室。

天女擎香下遠空。

心地冷々人屋外。

潮音遙接古松風。

羅什藏註維摩之語、書之賀義順擬講之轉進

求法不憚。說法無惱。

無題 威力院義導嗣講

長夜稠林裡。

常糞三毒蛇。

聞名惺悟曉。

開得信心花。

一聯

聚螢映雪僅消三檀越之信施。

雲華講師作

愛語同事須慎菩薩之德行。

文雄試補之